



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Capvt Ad Dvos Harvm Instructionum libros pertinens.

urn:nbn:de:hbz:466:1-11399

De Candelabris cœnotaphij,

CAPVT AD DVOS HARVM
Instructionum libros pertinens.

Cubiti qui ex vncijs vngintiquatuor conficitur quarta pars vnciatum delineata, hæc est.

Candelabra cœnotaphij ex ferro confluentur; altitudine consent cubitorum duorum & dimidij, suffalciantur firma base, quæ instat tripodis, aut alterius firmiter generis sit, ne fortè præ pondere & longitudine cereorum facile corruant; orbem præterea è lamina ferrea conflatum à superiori parte habeant; cuius orbiculi extremitas sursum reuocata, ceram defluentem continet.

Super hoc item orbiculo apex ferreus infixus extet; cui vasculum inferatur; ad cereos excipiendos aptè accommodatum.

De alia Suppellectile instrumentali.

Tripus ad thuris adolendi vsus, cum Missæ, & Vesperæ solenniter fiunt, è patella, aut vase focario conficitur in quo ignis, prunave accensa teneatur; è ferro autem, aut ex aurichalco sit.

Cui tripodi adiungatur etiam cochlearum cum manubrio adunco & forcipe ad prunam excipiendam.

Vasa in quibus oleum ad vsus lampadum reconditur, è lapide sint; aut è querno saltem ligno; operculis item consent aptè compositis.

Guttus olearius, in quem scilicet è vasibus oleum infunditur; è stanno, aut saltem ex ferrea lamina tenui confectus; ore satis patulo sit; è quo oscillum excitetur rostri instar, per quod tenui fluxione oleum in lampades transeat.

Infundibulum eiusmodi sit, quo oleum ex vasibus lapideis quærneisve haustum in guttum effundatur; cuius infundibuli manubrium extremum reflexum sit, vt appendi possit.

Hæc de Ecclesiæ fabrica, tum interiori tum exteriori, ac de suppellectilis præterea ecclesiasticæ ratione formæque, duobus harum instructionum libris nos complexi, edimus ad Prouinciæ nostræ vsus.

In omni autem (vt decretis prouincialibus sancitum est) ecclesiæ, cappellæ, altaris, ædificijq; alterius ecclesiastici ædificatione faciendæ, instaurandæ, resarciendæve, in omni ecclesiastico ornatu, & sacræ suppellectilis apparatu, ratione ac forma etiam his instructionibus quocunque modo demonstrata præsumite, ab ijs quorum interest, Episcopi sui iudicium, & consilium, assensusq; adhibeatur; vt cum omnia ad diuinum cultum pertinentia illius iudicio dirigantur; tum ipse etiam accuratè videat, vt omnia & singula, quæ his duobus libris comprehensa aut demonstrata sunt, quoad eius fieri potest, rectè conformentur harum nostrarum Instructionum præscriptis.

Quoniam verò quæ hoc & illo superiore libro præscripta sunt, præsumptibus, aliæ difficultate, in vna quaque ecclesia non omnia singulave statim & vno eodemque tempore præstari fortasse poterunt: idem Episcopus pro sua prædètia dispiciet ac statuet, quæ primum, quæ deinde magis necessariò paranda consueuerunt, quæ post item, & quæ vltimo loco pro ecclesiarum ratione, proq; opportunitate præstandæ ordine sint, siue ad fabricam, siue ad suppellectilis modum vsusque pertineant: ita vt demum quantum fieri potest, singulæ Ecclesiæ, Capellæ, Altaria, & partes etiam singulæ ædificatæ, restitutæ, instauratæ, instructæ, exornatæq; sint ad harum instructionum præscriptum.